



20. februar 2012

UPA 2012/114

Inatsisartut Suleriaasianni § 36 naapertorlugu oqallisissiaq imaattoq matumuuna saqqummiupparput:

Kukkunersiuisartut naalagaaffimmit akuerisat Deloitte-p ulloq unnuarlu paaqqinniffiit pillugit misissueqqissaarnerat nalilersuinerallu 2011-mi nalunaarusianngorlugu saqqummiunneqartoq tunngavigalugu qanoq malitseqartitsinissaq pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortat Jane Petersen aamma Debora Kleist, Inuit Ataqatigiit)

Tunngavilersuut:

Isumaginninnermut Naalackersuisoqarfiup Kalaallit Nunaanni ulloq unnuarlu paaqqinniffinnik misissueqqissaarnerat nalilersuinerlu kukkunersiuisartut Naalagaaffimmit akuerisat Deloitte suleqatigalugu nalunaarusiami, 11. januar 2011-mi (danskisut 10. februar 2011) saqqummiunneqartumi erserpoq, meeqqat ulloq unnuarlu paaqqinniffiini neqeroorutit aningaasaliiffigineri assigiinngissuteqarnerat akeqariaatsimik paasiuminaallisitsisartoq. Aammattaaq suliaqarfusuni akisussaaffiit qanoq sunniuteqarnerisut ersersinneqarpoq, tamatumani akisussaaffiit suliasallu ersarlunnerisigut, kiap oqartussaasutut suliasaq isumagissaneraa kiallu suliasat sorliit suliarissanerai ilaanneeriarluni nalornissutigineqartarsimanagera.

Nalunaarusiaq malillugu Nunatsinni meeqqanut inuusuttunullu ulloq unnuarlu paaqqinniffinnik 24-nik Namminersorlutik Oqartussanit akuerineqarsimasunik ingerlatsisoqarpoq.

Kisitsisit 2010-meersut takutipaat meeqqat 0-miit 17-it tikillugit ukiullit 7 procentiisa missaat angerlarsimaffiup avataanut inissinneqartartut, taakkualu sisamararterutai pallillugit ulloq unnuarlu paaqqinniffinnut inissinneqarsimallutik.

Qulakkeerniagassaraarput kisitsisit taakkua minnerpaaffissamiitinneqarnissaat.

Nunatsinni siammasissumi najugaqariaaseqarnitsinni aqusaagassat imaannaanngitsuupput, meeqqat amerlasuut sorlaqarfitek qimattariaqartarpaat angerlarsimaffiup avataanut inissinneqartariaqaleraangamik. Kommunerujussuanngortitserernerup kingorna kommunit innuttaasunik isumaginninnermut inatsit malillugu annertuumik unammissassaqaalersimapput. Kommuneqarpoq aamma, inissaqartitsinnginneq pissutigalugu, meeraq illoqarfigisami kommuneqarfigisamilu avataanut ulloq unnuarlu paaqqinniffiitut inissiisariaqartartunik.

Nunatsinni ulloq unnuarlu paaqqinniffinnik aqqissuussineq qiviraanni, ulloq unnuarlu paaqqinniffiit meerartatsinnut angerlarsimaffiup avataanut inissinneqarsimasunut assigiinngitsumik akeqartitsipput, tamannalu Namminersorlutik Oqartussanut aammalu kommuninut qanoq sunniuteqartitsinersoq misissorneqarnissaa siunnersuutigaarput, tassuunakkut meerartatta atugarisaanik nalimmassaaniarnermi ersarinnerusumik takussutissaqalernissaa angorusullugu.

Isumaqarpuguttaaq suliasami inuiaqatigiinnut pingaaruteqarnera pissutigalugu meeqqat ulloq unnuarlu paaqqinniffii tamarmiusut pillugit siunissami allaffissornikkut qitiusumik

nalunaarsuiffimmik pilersitsisoqartariaqartoq, soorlu kukkuniarsuissarfik Deloitte-p inner-suussinerattut.

Naalakkersuisut, ulloq unnuarlu paaqqinniffinni nakkutilliisuutitatus, qanoq iliornikkut paaqqinnittarfinni akigitinneqartut aqutseriaatsillu assigiinnginnerujussuat tamanut iluaqutaasumik aqqiiviginiarnerpaat?